



Broj: 10/E-~~04-4097/2024~~
Sarajevo, ~~04-09-2024~~ godine

Na osnovu člana 70. stav (1), (2), (3) i (6), Zakona o javnim nabavkama Bosne i Hercegovine ("Službeni glasnik BiH", br. 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), na prijedlog Komisije za nabavku roba, usluga i radova III, imenovana rješenjem Općinskog načelnika broj: 10-45-238/24 od 25.03.2024.godine (u daljem tekstu: Komisija III), u postupku javne nabavke dva drona (bespilotne letjelice) za potrebe Službe za spašavanje, sa visina, u vodi, na vodi i pod vodom i za potrebe Općinskog štaba civilne zaštite, putem otvorenog postupka, uz primjenu e-aukcije (Zapisnik o pregledu i ocjeni ponuda broj: 10/E-11-4237/24 od 26.08.2024.godine), Opštinski načelnik
o n o s i:

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „NEXIS“ d.o.o. Sarajevo, Ulica Mehe Smailagića broj 767. 71000 Sarajevo, ID broj: 4202629310009, za nabavku dva drona (bespilotne letjelice) za potrebe Službe za spašavanje, sa visina, u vodi, na vodi i pod vodom i za potrebe Općinskog štaba civilne zaštite, putem otvorenog postupka. Prihvaćena ponuda broj 291/24 od 11.07.2024. godine iznosi ukupno **76.923,00 KM bez PDV-a**, odnosno **89.999,91 KM sa PDV-om**. (Cijena obuhvata vrijednost bespilotnih letjelica, uz usluge instalacije i obuke).
- II.** Izabrani ponuđač je dužan dostaviti dokaze po članu 45. Zakona o javnim nabavkama, odnosno iz tačke 7.1.2. Tenderske dokumentacije u roku od 5 (pet) dana od dana prijema ove Odluke, na protokol Općine Centar Sarajevo (original ili ovjerene kopije)
- III.** Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke u roku od 7 dana, shodno članu 71. Zakona.
- IV.** Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Образложење

Postupak nabavke dva drona (bespilotne letjelice) za potrebe Službe za spašavanje, sa visina, u vodi, na vodi i pod vodom i za potrebe Općinskog štaba civilne zaštite, pokrenut je Odlukom Opštinskog načelnika o pokretanju postupka broj: 10/E-11-4237/24 od 21.06.2024. godine putem otvorenog postupka, uz primjenu e-aukcije, Obavještenje o nabavci broj: 848-1-1-55-3-99/24 objavljeno je na Portalu javnih nabavki dana 28.6.2024.godine. Procijenjena vrijednost javne nabavke iznosi 76.923,00 KM bez PDV-a.

U određenom krajnjem roku za predaju ponuda, dana 22.07.2024. godine do 11,00 sati, dostavljene su 3 (tri) ponude i to ponude ponuđača; „ALKIBIA d.o.o. Sarajevo, „GLOBAL INNOVATIVE MARKET SOLUTIONS“ d.o.o. Laktaši, „SHOT“ d.o.o. Zenica. Na osnovu dopune Zapisnika o otvaranju ponuda i Zapisnika o zaprimanju ponuda, Komisija III je konstatovala da je za predmetnu nabavku dostavljena i ponuda ponuđača „NEXIS“ d.o.o. Sarajevo, te je dna 30.07.2024. godine izvršeno je otvaranje ponude koja je blagovremeno dostavljena dana 12.07.2024. godine Naime, ista je greškom uposlenika u Pisarnici pronađena u spisu drugog predmeta. Komisija III je nakon toga izvršila otvaranje blagovremeno prispjele ponude ponuđača „NEXIS“ d.o.o. Sarajevo, te je ista uvrštena u zapisnik o pregledu i ocjeni ponuda.

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana su cijena ponude, kako slijedi:

Rb	PONUĐAČ	Cijena bespilotnih letjelica i obuke bez PDV-a (KM)	Popust	Ukupna vrijednost bespilotnih letjelica i obuke sa popustom i sa PDV-om (KM)
1.	„ALKIBIA“ d.o.o. Sarajevo	76.228,21	-	89.187,00
2.	“GLOBAL INNOVATIVE MARKET SOLUTIONS” d.o.o. Laktaši	76.917,02	-	89.992,91
3.	“SHOT” d.o.o. Zenica	76.900,00	-	89.973,00
4.	“NEXIS” d.o.o. Sarajevo	76.923,00	-	89.999,91

Nakon izvršenog otvaranja ponude, Komisija III je pristupila detaljnoj analizi dokumentacije priložene uz ponude u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima.

Komisija III je konstatovala sljedeće:

Ponuda ponuđača „ALKIBIA“ d.o.o. Sarajevo je nepravilna, iz razloga što nije ispunjen uslov zahtijevan tenderskom dokumentacijom, definisan tačkom 8.1.4. koji se odnosi na uvezivanje ponude. Ponuda je uvezana jemstvenikom, preko kojeg je stavljena naljepnica, ali ista nije ovjerena pečatom ponuđača;

Ponuda ponuđača „GLOBAL INNOVATIVE MARKET SOLUTIONS“ d.o.o. Laktaši je nepravilna, iz razloga što nije ispunjen uslov zahtijevan tenderskom dokumentacijom, odnosno nije dostavljen obrazac povjerljivih informacija (Aneks 5.), te u skladu sa tačkom 8.2. u sadržaju ponude isti je trebao biti sastavni dio ponude;

Ponuda ponuđača „SHOT“ d.o.o. Zenica je nepravilna, iz razloga što nije ispunjen uslov zahtijevan tenderskom dokumentacijom, definisan tačkom 8.1.4. koji se odnosi na uvezivanje ponude gdje je jasno definisano: *“8.1.4. Ponuda se izrađuje na način da čini cjelinu. Original ponuda treba da bude otkucana ili napisana neizbrisivom tintom. Ponuda se čvrsto uvezuje na način da se onemogućiti naknadno vađenje ili umetanje listova. Pod čvrstim uvezom se podrazumijeva da ponude moraju biti uvezane/ukorčene u knjigu ili da ponuda bude uvezana u fasciklu sa metalnim mehanizmom ili uvezana spiralnim uvezom i **uz to osigurana jemstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom ponuđača**, a u svrhu izbjegavanja manipulisanja stranicama ponude. Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.”*

Ponuda je uvezana jemstvenikom, preko kojeg je stavljena naljepnica, ali ista nije ovjerena pečatom ponuđača;

Ponuda ponuđača „NEXIS“ d.o.o. Sarajevo ispunjava formalno pravne, ekonomske i tehničke uslove odnosno zahtjeve Ugovornog organa i ista je prihvatljiva.

Na osnovu navedenog, ponude ponuđača „ALKIBIA“ d.o.o. Sarajevo, „GLOBAL INNOVATIVE MARKET SOLUTIONS“ d.o.o. Laktaši i „SHOT“ d.o.o. Zenica, se isključuju iz daljeg postupka kao nepravilne ponude, u skladu sa članom 2. stav (6) tačka 1) pod 3.

Tenderskom dokumentacijom je predviđeno provođenje e-aukcije. S obzirom da je dostavljena jedna prihvatljiva ponuda postupak javne nabavke se okončava bez provođenja e-aukcije u skladu sa odredbama člana 4. stav (2) Pravilnika o uslovima i načinu korištenja e-aukcije („Službeni glasnik BiH, broj 80/23).

Komisija III je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

ponuđača **„NEXIS“ d.o.o. Sarajevo**, Ulica Mehe Smailagića br. 76 Sarajevo, za nabavku dva drona (bespilotne letjelice) za potrebe Službe za spašavanje, sa visina, u vodi, na vodi i pod vodom i za potrebe Općinskog štaba civilne zaštite, putem otvorenog postupka. Prihvaćena ponuda broj 291/24 od 11.07.2024. godine iznosi ukupno **76.923,00 KM bez PDV-a**, odnosno **89.999,91 KM sa PDV-om**. (Cijena obuhvata vrijednost bespilotnih letjelica, uz usluge instalacije i obuke).

Nadalje, Opštinski načelnik u postupku ocjene nije našao razloge, niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 3.000,00 KM u skladu sa članom 108. stav (1) tačka c) Zakona.

Dokaz o plaćenju naknadi za pokretanje žalbenog postupka u iznosu propisanom članom 108. ovog zakona, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Žalba se podnosi u dovoljnom broju primjeraka, a koji ne može biti manji od tri.

Izrada: Samira Duraković

Kontrola i saglasnost: Adelina Džanković

(po ovlaštenju broj: 10-30-419/24 od 01.08.2024.godine)



DOSTAVITI:

1. „NEXIS“ d.o.o. Sarajevo, ulica Mehe Smilagića br. 76, 71000 Sarajevo
2. „ALKIBIA“ d.o.o. Sarajevo, Kolodvorska br. 12, 71000 Sarajevo
3. „GLOBAL INNOVATIVE MARKET SOLUTIONS“ d.o.o. Laktaši, ulica Karađorđeva br. 46, 78250 Laktaši
4. „SHOT“ d.o.o. Zenica, ulica Zmajevačka cesta br. 55C, 72000 Zenica
5. Službi za civilnu zaštitu
6. Kabinetu općinskog načelnika – Odsjeku za javne nabavke
7. Službi za finansije
8. Arhivi

